

GRAD GRAČANICA
FEDERACIJA BOSNE I HERCEGOVINE
BOSNA I HERCEGOVINA



CITY OF GRAČANICA
FEDERATION OF BOSNIA AND HERZEGOVINA
BOSNIA AND HERZEGOVINA

Broj: 02-24-02615/2026

Datum: 10.07.2026.

TENDERSKA DOKUMENTACIJA

**ARHITEKTONSKO-URBANISTIČKI KONKURS ZA IZRADU
IDEJNOG RJEŠENJA REKONSTRUKCIJE ULICE ALIJE
IZETBEGOVIĆA I CENTRALNOG PARKA U GRAČANICI**

1 OPŠTI PODACI

1.1. Podaci o ugovornom organu

Ugovorni organ: Grad Gračanica
Adresa: Mula Mustafe Bašeskije 1, 75320 Gračanica
IDB/JIB: 4209387060007
Telefon: 035/700-870
Faks: 035/707-000
E-mail: info@gracanica.gov.ba

1.2. Podaci o osobi zaduženoj za kontakt

Kontakt osoba: gđa. Dijana Jukan
Telefon: 035/700-859
Faks: 035/707-000
E-mail: d.jukan@gracanica.gov.ba

Komunikacija i svaka druga razmjena informacija između ugovornog organa i kandidata/ponuđača obavljati će se, u pisanom obliku, putem poštanske pošiljke, telefaksa, elektronske pošte/e-pošta, ili kombinacijom tih sredstava.

Informacije u vezi sa postupkom javne nabavke, kao što su informacije vezane za uvid i preuzimanje tenderske dokumentacije, zahtjev za pojašnjenje i druge informacije, mogu da se dobiju isključivo od nadležne/ih kontakt osobe/a zadužene za kontakt iz ove tačke. U suprotnom, razmjena informacija nije valjana.

2. OPŠTI USLOVI KONKURSA

2.1. Podaci o postupku javne nabavke

- Vrsta postupka javne nabavke: Konkurs za izradu idejnog rješenja, na osnovu člana 33. stav 1. tačka b) i člana 35. Zakona o javnim nabavkama („Službeni glasnik BiH”, broj 39/14, 59/22 i 50/24). Konkurs je javni, anonimni do donošenja odluke.
- Tip konkursa: otvoreni, anonimni
- Procijenjena vrijednost javne nabavke (bez uključenog PDV-a): 22.000,00 KM
- Način okončanja: dodjela nagrade pobjedniku konkursa za izradu idejnog rješenja

2.2. Anonimnost u postupku

Anonimnost se mora poštovati u postupku konkursa za izradu idejnog rješenja. Učesnici konkursa su anonimni do donošenja odluke Konkursne komisije o izboru najboljih rješenja. Anonimnost se naročito obezbjeđuje zabranom iznošenja pretpostavki o identitetu učesnika konkursa. Ova zabrana se odnosi na sva lica koja učestvuju u postupku kako kod raspisivača konkursa (Grad Gračanica), tako i među učesnicima konkursa.

2.3. Klasifikacija konkursa

Arhitektonsko-urbanističko rješenje.

2.4. Predmet javnog konkursa

Izrada idejnog rješenja arhitektonsko-urbanističkog uređenja glavne gradske šetnice i centralnog parka u Gračanici.

2.5. Svrha i cilj konkursa

Cilj konkursa je da se dobiju najbolja arhitektonsko – urbanistička idejna rješenja rekonstrukcije i uređenja centra grada, pješačke zone – ulica Alije Izetbegovića i centralni park u Gračanici.

Osnovne smjernice za rekonstrukciju pješačke zone usmjerene su na kreiranje modernog, funkcionalnog i estetski privlačnog prostora koji će unaprijediti kvalitet života građana, potaknuti lokalnu ekonomiju i očuvati kulturno – historijsko naslijeđe.

Stoga je svrha ovog konkursa pozvati sve zainteresirane strane, uključujući arhitekta, umjetnike i dizajnere, da predlože svoje ideje za rekonstrukciju pješačke zone kao modernog, funkcionalnog i estetski privlačnog prostora koji će unaprijediti kvalitet života građana, potaknuti lokalnu ekonomiju i očuvati kulturno – historijsko naslijeđe.

2.6. Opšti podaci o lokaciji

Pješačka zona nalazi se u centru Gračanice. Ulica Alije Izetbegovića je glavna gradska šetnica. Ukupna dužina ulice iznosi oko 360 metara, a njena približna površina je 4.237 m², a u središnjem dijelu naslanja se na centralni park. Detaljni podaci o lokaciji nalaze se u Projektom zadatku za izradu idejnog rješenja rekonstrukcije i uređenja centra grada pješačka zona – ulica Alije Izetbegovića i centralni park u gradu Gračanica.

2.7. Zadatak konkursa

Dat je u projektnom zadatku, a koji je sastavni dio tenderske dokumentacije.

2.8. Dostava materijala

Konkursni rad se dostavlja u sljedećim oblicima:

- Analogni (štampani) oblik: 2 (dva) uvezana štampana primjerka rada svedena na A3 format.
- Digitalni oblik: 2 (dva) primjerka na prenosivom mediju koji moraju sadržavati:
 - Kompletanu dokumentaciju i nacрте u PDF formatu.
 - Sve grafičke priloge (nacрте i situacije) u izvornom DWG formatu.
 - 3D video-prezentaciju (animaciju) idejnog rješenja za potrebe javnih prezentacija, uključujući simulaciju prikaza iz zraka (videosnimak iz drona).

2.9. Pravo učestvovanja na konkursu, uslovi za kvalifikaciju i dokumentacija koja se dostavlja u ponudi

Na konkurs se mogu prijaviti sva zainteresovana pravna i fizička lica (pojedinci ili sa saradnicima) koja posjeduju stručne kvalifikacije. Mjesto stanovanja i sjedište može biti u BiH ili inostranstvu. Uslov je zadovoljen ako najmanje jedan od autora konkursnog rada ima završen arhitektonski fakultet sa minimalno 240 ECTS bodova ili ekvivalent (po pred Bolonjskom sistemom obrazovanja).

U svrhu dokazivanja ispunjenosti uslova, učesnici na konkursu trebaju dostaviti:

a) Fizička lica:

- Ime i prezime autora ili imena članova autorskog tima, adresa, kontakt telefon,
- Kopija diplome završenog fakulteta ili nostrifikacija diplome ako je ista stečena u inostranstvu.

b) Pravna lica:

- Izjava pravnog lica da ima u radnom odnosu ili će angažovati lica sa završenim arhitektonskim fakultetom.

Da bi učestvovali na konkursu ponuđači/kandidati moraju ispunjavati uslove koji se odnose na ličnu sposobnost ponuđača iz člana 45. stav 1. ZJN.

U svrhu dokazivanja lične sposobnosti u skladu sa članom 45. Zakona, ponuđači/kandidati moraju dostaviti:

a) Fizička lica:

- Izjavu (ovjerena od nadležnog organa) da ponuđač/kandidat (nosilac autorskog tima) nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u BiH ili u zemlji u kojoj je registrovan (član 45. stav 1. pod a) ZJN (Aneks 2 tenderske dokumentacije).

Autor/autori nagrađenog rješenja, dužan je dostaviti: Uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učesća u kriminalnoj organizaciji, za korupciju, prevaru ili pranje novca, koje ne smiju biti stariji od 3 mjeseca računajući od trenutka dostavljanja ponude, a u roku od pet (5) dana od dana zaprimanja Odluke o izboru nagrađenih radova.

b) Pravna lica:

- Izjavu (ovjerena od nadležnog organa) da se na njih ne odnose slučajevi definisani članom 45. stav 1. od a) do d) ZJN (Aneks 3 tenderske dokumentacije).

Autor/autori nagrađenog rješenja, dužan je dostaviti dokumente kojim će potvrditi vjerodostojnost date Izjave (original ili ovjerena fotokopija):

- a) Uvjerenje nadležnog suda da nije osuđen pravosnažnom presudom za krivična djela organizovanog kriminala, korupciju, prevaru ili pranje novca;
- b) Uvjerenja nadležnog suda da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- c) Uvjerenje nadležne institucije da je ponuđač izmirio dospjele obaveze, a koje se odnose na doprinose za penzijsko invalidsko i zdravstveno osiguranje;
- d) Uvjerenje nadležne institucije da je ponuđač izmirio dospjele obaveze u vezi sa plaćanjem direktnih i indirektnih poreza**

Uvjerenja ne smiju biti stariji od 3 mjeseca računajući od trenutka dostavljanja ponude, te ih je potrebno dostaviti u roku od pet (5) dana od dana zaprimanja Odluke o izboru nagrađenih radova.

Učesnici u konkursu mogu navedena Uvjerenja dostaviti uz konkursnu dokumentaciju, čime se oslobađaju naknadnog dostavljanja.

Prijavljivanje na Konkurs podrazumijeva da kandidat prihvata sve uslove Konkursa.

U skladu sa članom 52. Zakona, kao i sa drugim važećim propisima u BiH, ugovorni organ će odbiti ponudu ukoliko je ponuđač koji je dostavio ponudu, dao ili namjerava dati sadašnjem ili bivšem zaposleniku ugovornog organa poklon u vidu novčanog iznosa ili u nekom drugom obliku, u pokušaju da izvrši uticaj na neki postupak ili na odluku ili na sam tok postupka javne nabavke. Ugovorni organ će u pisanoj formi obavijestiti ponuđača i Agenciju za javne nabavke o odbijanju ponude, te o razlozima za to i o tome će napraviti zabilješku u izvještaju o postupku nabavke. Kandidat (fizička i pravna lica) je dužan uz ponudu dostaviti i posebnu pismenu izjavu da nije nudio mito niti učestvovao u bilo kakvim radnjama čiji je cilj korupcija u javnoj nabavci. Izjava je prilog tenderskoj dokumentaciji (Aneks 4 tenderske dokumentacije).

Fizička i pravna lica, uz konkursni rad, trebaju dostaviti i:

- Izjavu da je priloženi rad izvorno autorsko djelo
- Izjava autora da autorska prava i prava korištenja i javnog objavljivanja predloženog idejnog rješenja prenosi na Grad Gračanicu, ukoliko bude među nagrađenima

Navedene izjave sastavlja sam autor ili autorski tim ili ovlaštena osoba pravnog lica i moraju biti ovjerena od nadležnog organa.

2.10. Izuzeca

Na konkursu ne mogu učestvovati članovi Konkursne komisije, lica koja su direktno učestvovala na pripremi i organizaciji konkursa i lica koja su u njihovom najužem srodstvu (uključivo do trećeg koljena i bračni drugovi) i koja su sa njima u bilo kakvom poslovnom odnosu u vrijeme trajanja Konkursa.

Svaki od učesnika, pojedinac ili grupa, ima pravo učestvovati na ovom Konkursu samo sa jednim konkursnim radom.

3. INFORMACIJE O KONKURSNOJ/TENDERSKOJ DOKUMENTACIJI

Tenderska/konkursna dokumentacija je besplatna i može se preuzeti na web stranici Grada Gračanica – www.gracanica.gov.ba.

Zainteresirani ponuđači/kandidati mogu tražiti pojašnjenja tenderske/konkursne dokumentacije od Ugovornog organa u pisanoj formi blagovremeno, na e-mail: d.jukan@gracanica.gov.ba, najkasnije 10 dana prije isteka roka za predaju konkursnih radova.

Ugovorni organ može u svako doba izmijeniti ili dopuniti tendersku/konkursnu dokumentaciju, pod uslovom da su sve izmjene dostupne zainteresovanim ponuđačima isti dan, a najkasnije 5 (pet) dana prije datuma koji je određen kao rok za podnošenje ponuda. Izvršena izmjena će biti sastavni dio tenderske dokumentacije i objavit će se na web stranici Grada Gračanica. Svi zainteresirani ponuđači/kandidati dužni su pratiti web stranicu grada i preuzeti eventualne izmjene i dopune tenderske dokumentacije.

Sadržaj tenderske/konkursne dokumentacije:

Uz ovu tendersku/konkursnu dokumentaciju se dostavlja:

- Obrazac – Prijava na Konkurs za izradu Idejnog rješenja rekonstrukcije i uređenja centra grada lokacija: pješačka zona – ulica Alije Izetbegovića i centralni park u Gračanici (Arhitektonsko-urbanističko rješenje) – Aneks 1 tenderske dokumentacije
- Obrazac – Izjave po čl. 45 ZJN – Aneks 2 i Aneks 3 tenderske dokumentacije
- Obrazac – Izjava po čl. 52 ZJN – Aneks 4 tenderske dokumentacije
- Projektni zadatak
- Geodetski snimak predmetne lokacije
- Videosnimak lokacije iz zraka (snimak dronom).

4. ROKOVI

- Početak konkursnog roka: dan objave konkursne dokumentacije na stranici Grada Gračanica – www.gracanica.gov.ba i obavještenja na portalu Agencije za javne nabavke: 10.07.2026. godine.
- Rok za postavljanje pitanja (najkasnije 10 dana prije isteka roka za predaju konkursnih radova): do 09.08.2026. godine.
- Rok za predaju konkursnog rada: 40 dana, tj. 19.08.2026. godine.

Ponude / Konkursni radovi se predaju do 19.08.2026. godine do 12:00 sati na protokol Grada Gračanica, ulica Mula Mustafe Bašeskije broj 1, 75320 Gračanica, sa naznakom: „Konkurs za izradu Idejnog rješenja rekonstrukcije i uređenja centra grada lokacija: pješačka zona – ulica Alije Izetbegovića i centralni park u Gračanici”.

Ponude koje su dostavljene po isteku ovog roka će biti vraćene ponuđaču neotvorene. Ponuda ponuđača mora biti dostavljena do datuma i sata naznačenog u obavještenju o nabavci odnosno konkursnoj/tenderskoj dokumentaciji i za ugovorni organ nije relevantno kada je ona poslana niti na koji način.

5. NAGRADE I OTKUPI

Konkursna komisija će pristupiti ocjenjivanju pristiglih konkursnih radova.

Odlukom Komisije dodijelit će se nagrade i to:

- I nagrada – 15.000,00 KM,
- II nagrada – 7.000,00 KM.

Ukupan fond nagrada iznosi: 22.000,00 KM.

Dodijeljena nagrada podrazumijeva otkup autorskog djela (Idejnog rješenja), odnosno nagrađeni radovi nakon provedenog konkursa i isplatom nagrada, postaju isključivo vlasništvo Grada Gračanica, radi korištenja za svrhu sa kojom je konkurs raspisan, za pribavljanje urbanističke saglasnosti, izradu tehničke dokumentacije, pribavljanje odobrenja za građenje i rekonstrukcije i uređenja centra grada.

Nagrade se dodjeljuju u bruto iznosu i u njima su sadržani svi porezi i doprinosi na autorsko djelo i ostala zakonom propisana davanja.

Nagrada ujedno predstavlja i naknadu za sva autorska prava od autora, uz mogućnost eventualne dorade, čija je vrijednost uključena u nagradu, ukoliko nadležna služba za izdavanje urbanističke suglasnosti bude zahtijevala neke ispravke, a na osnovu ugovora o autorskom djelu, koji će se naknadno dostaviti nagrađenim učesnicima na potpis.

Nagrade će biti dodijeljene u roku od 30 dana od dana potpisivanja Ugovora.

Učesnici konkursa koji ne budu nagrađeni, nakon okončanja postupka provođenja konkursa odnosno od pravosnažnosti rješenja, radove mogu preuzeti lično na adresi naručioca.

Ukoliko nijedno od pristiglih rješenja, prema ocjeni konkursne komisije, ne bude zadovoljavalo zadate kriterije, konkurs će biti poništen.

6. KONKURSNA KOMISIJA

Odabir najboljeg Idejnog rješenja izvršiti će Konkursna komisija, koja će se imenovati posebnim Rješenjem.

Konkursna komisija će završiti sa radom u roku od 30 dana od dana predviđenog za predaju konkursnih radova, nakon čega će se obaviti javno otvaranje koverta „autor“.

Komisija će u toku evaluacije predloženih idejnih rješenja poštovati pravila struke iz oblasti arhitekture, urbanizma, dizajna i kriterija sadržanih u konkursnoj dokumentaciji.

Konkursna komisija zadržava pravo da ne izabere niti jedno Idejno rješenje ukoliko smatra da nijedno od dostavljenih rješenja nije zadovoljilo sa stanovišta jednog ili više traženih elemenata konkursa, te u tom slučaju raspisivač konkursa nije obavezan dodijeliti nagrade.

Rješenje o odabiru i dodjeli nagrada, kandidatima će biti dostavljeno pismenim putem na dostavljene adrese.

Troškove izrade Idejnog rješenja snose Autori.

7. KRITERIJI ZA OCJENJIVANJE RADOVA

Pored usklađenosti prispjelih radova sa opštim uslovima konkursa, konkursna komisija će pristupiti ocjenjivanju i vrednovanju na osnovu sljedećih kriterijuma:

- **a) Estetski, arhitektonski i oblikovni kvalitet:** Originalnost, kreativnost i vizuelni identitet predloženog rješenja (do 25 bodova).
- **b) Funkcionalnost i prostorna integracija:** Usklađenost s postojećim ambijentom, kvalitetan odnos prema urbanom kontekstu, te funkcionalnost pješačkih tokova i sadržaja (do 25 bodova).
- **c) Održivi dizajn i tehničko-tehnološke karakteristike:** Kvalitet predloženih materijala, jednostavnost održavanja, energetska efikasnost i dugotrajnost rješenja (do 20 bodova).
- **d) Izvodljivost i inovativnost:** Realističnost realizacije projekta u lokalnim uslovima, te primjena inovativnih i prilagodljivih dizajnerskih rješenja (do 15 bodova).
- **e) Ekonomičnost i ekološka otpornost:** Racionalnost finansijskih ulaganja u realizaciju i održavanje, uz uvažavanje mjera zaštite okoliša i otpornosti na klimatske promjene (do 15 bodova).

Konkursna komisija će ocjenjivati radove za svaki od pet navedenih kriterija po tačkama a) do e). Rad koji bude imao najveći zbir bodova bit će proglašen prvorangiranim, zatim rad koji bude imao drugi najveći zbir bodova bit će proglašen drugorangiranim . U slučaju da dva rada imaju isti broj bodova prednost će imati rad koji je ocjenjen većim brojem bodova prema kriterijumu iz tačke b) Funkcionalnost i prostorna integracija.

8. DOSTAVA RADOVA/PONUĐA, OČUVANJE ANONIMNOSTI I IDENTIFIKACIJA AUTORA

Dostava radova/ponuda

Autori svoje radove dostavljaju u neprozirnoj, zatvorenoj, bijeloj koverti (omotu) formata A3, sa identifikacionom šifrom u uglu omota, koja se upisuje u desnom gornjem uglu omota (sastoji se od tri slova i tri broja) sa naznakom:

„Idejno rješenje rekonstrukcije i uređenja centra grada lokacija: pješačka zona – ulica Alije Izetbegovića i centralni park u Gračanici“ – ne otvaraj, na sredini.

Ova koverta (omot) sadrži dvije koverta sa istom identifikacionom šifrom i to:

KOVERTA (bijela, neprozirna i zatvorena, formata A4) sa naznakom „AUTOR“ na sredini te u gornjem desnom uglu identifikacijska šifra, u kojoj su sadržani slijedeći podaci:

Fizička lica:

- Prijava na konkurs (popunjen obrazac) – Aneks 1 tenderske dokumentacije
- Diploma arhitektonskog fakulteta, nostrifikacija diplome ako je ista stečena u inostranstvu (original ili ovjerena kopija)
- Izjavu (ovjerena od nadležnog organa) o ispunjenosti uslova iz člana 45 (popunjen obrazac), Aneks 2 tenderske dokumentacije
- Izjavu (ovjerena od nadležnog organa) po člana 52 (popunjen obrazac), Aneks 3 tenderske dokumentacije

- Izjava da je priloženi rad izvorno autorsko djelo (ovjerena od nadležnog organa),
- Izjava autora da autorska prava i prava korištenja predloženog idejnog rješenja prenosi na Grad Gračanica, ukoliko bude među nagrađenima.

Pravna lica:

- Prijava na konkurs (popunjen obrazac) – Aneks 1 tenderske dokumentacije
- Izjava ovlaštene osobe da ima u radnom odnosu ili će angažovati osobu sa završenim arhitektonskim fakultetom (original ili ovjerena kopija)
- Izjava (ovjerena od nadležnog organa) da ponuđač / kandidat ispunjava uslove iz člana 45. stav 1. a) do d) ZJN (popunjen obrazac) – Aneks 3 tenderske dokumentacije
- Izjavu (ovjerena od nadležnog organa) po člana 52 (popunjen obrazac) – Aneks 4 tenderske dokumentacije
- Izjava da je priloženi rad izvorno autorsko djelo (ovjerena od nadležnog organa)
- Izjava ovlaštene osobe da autorska prava i prava korištenja predloženog idejnog rješenja prenosi na Grad Gračanica, ukoliko bude među nagrađenima.

KOVERTA (bijela, neprozirna i zatvorena, formata A3) sa naznakom „KONKURSNI RAD” na sredini, te u gornjem desnom uglu identifikacijska šifra, u kojoj je sadržan konkursni rad sa svim zahtijevanim prilogima iz ovog konkursa.

Svaki prilog na poledini mora sadržavati naznačenu šifru.

Svako drugo označavanje konkursnog rada, a koje bi moglo ugroziti anonimnost autora povlači isključivanje konkursnog rada iz postupka ocjenjivanja. Odluku o tome donosi Komisija.

Ovako upakovani radovi dostavljaju se lično ili putem pošte na adresu ugovornog organa kako je navedeno u Tački 3. ove tenderske/konkursne dokumentacije.

9. OČUVANJE ANONIMNOSTI

Idejna rješenja – konkursni radovi, sačinjeni na osnovu uslova iz konkursne dokumentacije, sadrže priloge navedene u konkursnoj dokumentaciji, sa numerisanim stranicama (u donjem desnom uglu), a radi potpune anonimnosti ne smiju biti obilježeni nikakvim drugim oznakama. Svako drugo označavanje konkursnog rada, a koje bi moglo ugroziti anonimnost autora povlači isključivanje konkursnog rada iz postupka ocjenjivanja. Odluku o tome donosi Komisija.

Učesnici u konkursu prihvataju uslove konkursa činom predaje konkursnog rada.

Nakon izvršene ocjene pristiglih „Konkursnih radova” od strane Konkursne komisije i donošenja odluke o izboru (član 34 stav 4), obaviti će se javno otvaranje koverta „Autor” (u kojoj se nalaze zahtijevani kvalifikacioni i identifikacioni dokumenti kandidata/ponuđača). O javnom otvaranju će biti sačinjen zapisnik Komisije za javne nabavke. Nepotpuna dokumentacija (ponude) će biti od uticaja na eliminaciju ponuđača/kandidata čiji su konkursni radovi/ idejna rješenja predložena od strane Konkursne komisije, za nagradu.

Radovi koji vrijeđaju na rasnoj, vjerskoj, etničkoj, spolnoj ili rodnoj osnovi neće biti razmatrani.

10. ZAVRŠNE ODREDBE

Predajom rada autor ili koautori pristaju na uslove konkursa, na javno izlaganje i publiciranje rada od strane naručioca. Učesnik je za sve vrijeme trajanja konkursa dužan držati svoj rad anonimnim do objave rezultata konkursa.

Iz ovog natjecanja isključiti će se radovi:

- koji su predati poslije navedenog roka utvrđenog u tenderu;
- koji ne sadrže dokumentaciju propisanu u tački 7. tenderske/konkursne dokumentacije.

Ugovorni organ (Raspisivač konkursa) može, po završetku konkursa, konkursne radove prezentirati putem:

- objave rezultata;
- javne izložbe,
- putem web stranice.

Ugovorni organ (Raspisivač konkursa) ne odgovara za oštećenja konkursnih radova nastala radom Konkursne komisije, te postavljanjem izložbe konkursnih radova.

Ovaj konkurs raspisan je u skladu sa Zakonom o javnim nabavkama Bosne i Hercegovine.

Nagrađeni radovi su sa stanovišta autorskih imovinskih prava vlasništvo ugovornog organa (Raspisivača konkursa) Grada Gračanica.

Za sve ono što nije uređeno ovom Tenderskom dokumentacijom primjenjuju se odredbe iz Zakona o javnim nabavkama BiH.

11. POUKA O PRAVNOM LIJEKU

Svaki ponuđač koji ima opravdan interes za ugovor o javnoj nabavci i smatra da je ugovorni organ u toku postupka javne nabavke izvršio povrede Zakona i/ili podzakonskih akata, ima pravo podnijeti žalbu na postupak u roku koji je određen u članu 101. Zakona o javnim nabavkama.

Žalba se izjavljuje ugovornom organu na način propisan u članu 99. Zakona o javnim nabavkama.

Ugovorni organ će postupati u skladu sa članom 100. ZJN po zaprimljenoj žalbi.

12. PRILOZI

- ANEKS 1: Prijava na konkurs za izradu idejnog rješenja
- ANEKS 2: Obrazac Izjave iz člana 45. stav (1) tačka a) Zakona o javnim nabavkama
- ANEKS 3: Obrazac Izjave iz člana 45. stav (1) tačka a) do d) Zakona o javnim nabavkama
- ANEKS 4: Obrazac Izjave iz člana 52. Zakona o javnim nabavkama
- Projektni zadatak za izradu Idejnog rješenja rekonstrukcije i uređenja centra grada lokacija: pješačka zona – ulica Alije Izetbegovića i centralni park u Gračanici.
- Geodetski snimak predmetne lokacije u dwg format
- Videosnimak lokacije iz zraka (snimak dronom).

GRADONAČELNIK

Sadmir Džebo

ANEKS 1: PRIJAVA NA KONKURS

ARHITEKTONSKO-URBANISTIČKI KONKURS ZA IZRADU IDEJNOG RJEŠENJA REKONSTRUKCIJE ULICE ALIJE IZETBEGOVIĆA I CENTRALNOG PARKA U GRAČANICI

FIZIČKO LICE:

Ime i prezime autora: _____

Mjesto i godina rođenja: _____

Adresa: _____ Telefon: _____

Broj žiro računa: _____

e-mail: _____ mobitel: _____

Ime i prezime saradnika:

PRAVNO LICE:

Naziv pravnog lica: _____

Adresa: _____

IDB/JIB: _____

Broj žiro računa: _____

Adresa za dostavu pošte: _____

Kontakt osoba: _____

Kontakt telefon: _____

e-mail: _____

Datum prijave:

Potpis autora:

ANEKS 2: Obrazac Izjave iz člana 45. stav (1) tačka a) Zakona o javnim nabavkama („Službeni glasnik BiH“ broj: 39/14, 59/22 i 50/24)

Ja, niže potpisani _____ (*Ime i prezime*), sa ličnom kartom broj: _____ izdatom od _____, nastanjen u _____ (*Grad/Općina*) na adresi: _____ (*Ulica i broj*), kao kandidat/ponuđač u postupku javne nabavke „**ARHITEKTONSKO-URBANISTIČKI KONKURS ZA IZRADU IDEJNOG RJEŠENJA REKONSTRUKCIJE ULICE ALIJE IZETBEGOVIĆA I CENTRALNOG PARKA U GRAČANICI**“, a kojeg provodi ugovorni organ GRAD GRAČANICA, a u skladu sa članom 45. stavovima (1) i (4) **pod punom materijalnom i kaznenom odgovornošću**

IZJAVLJUJEM

Kandidat/Ponuđač _____ u navedenom postupku javne nabavke, kojeg predstavljam, nije:

- a) Pravosnažnom sudskom presudom u kaznenom postupku osuđen za kaznena djela organiziranog kriminala, korupcije, prevare ili pranja novca u skladu s važećim propisima u BiH ili zemlji u kojoj je registriran.

Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno Kaznenim zakonima u BiH, te da davanje netačnih podataka u dokumentima kojima se dokazuje lična sposobnost iz člana 45. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.

Također izjavljujem da sam svjestan da ugovorni organ koji provodi navedeni postupak javne nabavke shodno članu 45. stav (10) Zakona o javnim nabavkama BiH u slučaju sumnje u tačnost podataka datih putem ove izjave zadržava pravo provjere tačnosti iznesenih informacija kod nadležnih organa.

Izjavu dao:

Mjesto i datum davanja izjave:

Potpis i pečat nadležnog organa:

M.P.

ANEKS 3: Obrazac Izjave iz člana 45. stav (1) tačkaka a) do d) Zakona o javnim nabavkama („Službeni glasnik BiH“ broj: 39/14, 59/22 i 50/24)

Ja, niže potpisani _____ (*Ime i prezime*), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (*Navesti položaj, naziv privrednog društva ili obrta ili srodne djelatnosti*), ID broj: _____, čije sjedište se nalazi u _____ (*Grad/općina*), na adresi _____ (*Ulica i broj*), kao ponuđač u postupku javne nabavke usluga „**ARHITEKTONSKO-URBANISTIČKI KONKURS ZA IZRADU IDEJNOG RJEŠENJA REKONSTRUKCIJE ULICE ALIJE IZETBEGOVIĆA I CENTRALNOG PARKA U GRAČANICI**“, a kojeg provodi ugovorni organ GRAD GRAČANICA, a u skladu sa članom 45. stavovima (1) i (4) **pod punom materijalnom i kaznenom odgovornošću**

IZJAVLJUJEM

Kandidat/Ponuđač _____ u navedenom postupku javne nabavke, kojeg predstavljam, nije:

- a) Pravosnažnom sudskom presudom u kaznenom postupku osuđen za kaznena djela organiziranog kriminala, korupcije, prevare ili pranja novca u skladu s važećim propisima u BiH ili zemlji u kojoj je registriran;
- b) Pod stečajem ili je predmetom stečajnog postupka ili je pak predmetom postupka likvidacije;
- c) Propustio ispuniti obaveze u vezi s plaćanjem penzionog i invalidskog osiguranja i zdravstvenog osiguranja u skladu s važećim propisima u BiH ili zemlji u kojoj je registriran;
- d) Propustio ispuniti obaveze u vezi s plaćanjem direktnih i indirektnih poreza u skladu s važećim propisima u BiH ili zemlji u kojoj je registriran.

U navedenom smislu sam upoznat sa obavezom ponuđača da u slučaju dodjele okvirnog sporazuma dostavi dokumente iz člana 45. stav (2) tačke od a) do d) na zahtjev ugovornog organa i u roku kojeg odredi ugovorni organ shodno članu 72. stav (3) tačka a).

Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno Kaznenim zakonima u BiH, te da davanje netačnih podataka u dokumentima kojima se dokazuje lična sposobnost iz člana 45. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.

Također izjavljujem da sam svjestan da ugovorni organ koji provodi navedeni postupak javne nabavke shodno članu 45. stav (10) Zakona o javnim nabavkama BiH u slučaju sumnje u tačnost podataka datih putem ove izjave zadržava pravo provjere tačnosti iznesenih informacija kod nadležnih organa.

Izjavu dao:

Mjesto i datum davanja izjave:

Potpis i pečat nadležnog organa:

M.P.

**ANEKS 4: Obrazac Izjave iz člana 52. Zakona o javnim nabavkama
(„Službeni glasnik BiH“ broj: 39/14, 59/22 i 50/24)**

Ja, niže potpisani _____ (Ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (Navesti položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (Grad/općina), na adresi _____ (Ulica i broj), kao kandidat/ponuđač u postupku javne nabavke usluga „**ARHITEKTONSKO-URBANISTIČKI KONKURS ZA IZRADU IDEJNOG RJEŠENJA REKONSTRUKCIJE ULICE ALIJE IZETBEGOVIĆA I CENTRALNOG PARKA U GRAČANICI**“, a kojeg provodi ugovorni organ GRAD GRAČANICA, a u skladu sa članom 52. stav (10) Zakona o javnim nabavkama **pod punom materijalnom i kaznenom odgovornošću**

IZJAVLJUJEM

1. Nisam ponudio mito ni jednom licu uključenom u proces javne nabavke, u bilo kojoj fazi procesa javne nabavke.
2. Nisam dao, niti obećao dar, ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo da izvrši, ili se suzdržava od vršenja djela koje treba izvršiti on, ili neko ko posreduje pri takvom podmićivanju službenog ili odgovorna lica.
3. Nisam dao ili obećao dar ili neku drugu povlasticu službenom ili odgovornom licu u ugovornom organu uključujući i strano službeno lice ili međunarodnog službenika, u cilju da obavi u okviru svoje službene ovlasti, radnje koje bi trebalo da obavlja, ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju u javnim nabavkama.
5. Nisam sudjelovao u bilo kakvoj radnji koja je za cilj imala korupciju u toku predmeta postupka javne nabavke.

Davanjem ovu izjave, svjestan sam kaznene odgovornosti predviđene za kaznena djela primanja i davanja mita i kaznena djela protiv službene i druge odgovornosti i dužnosti utvrđene u Kaznenim zakonima Bosne i Hercegovine.

Izjavu dao:

Mjesto i datum davanja izjave:

Potpis i pečat nadležnog organa:

M.P.